



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 45. Richardus Archiepiscopus Cantuariensis eligitur.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

## §. XLV.

Sæcul. XII.

A.C. 1173.

*Richardus Archiepiscopus Cantuariensis eligitur.*

In Anglia Sedes Cantuariensis huc usque vacabat, quamvis Odo, Capituli Prior, anno superiore nihil intentatum reliquisset, quo licentiam Archiepiscopum Canonice eligendi impetraret. Rex enim pertimescebat, ne Thomæ successorem, virum constantem & virtutis ejus imitorem sufficerent, cupiebatque efficere, ut Episcopus Bajocensis eligeretur, vir simplicis ingenii, qui a sua sententia facile dimoveri posset. Tandem cum Londini conventus Episcoporum Angliæ, mense Febuario, anno millesimo centesimo septuagesimo tertio, ageretur, cui Odo Prior & aliquot Monachi intererant, solemniter Rogerium Abbatem Beccensem elegerunt. Conenserunt Episcopi, nec Rex adversabatur, sed Abbas Rogerius, Legatis licet & Rege vehementer urgentibus, nunquam eo adduci potuit, ut hanc Dignitatem reciperet, ac ab eo onere *Alvei* ad S. Barbaram die Jovis, quinta Aprilis liberatus est. Sub finem ejusdem mensis Episcopi Clericique Angliæ Londinum convocantur, ad eligendos Episcopos, quandoquidem Ecclesiæ septem va-

*Gervas.  
Chron. an.  
1172.*

*Hist. Eccles. Tom. XVII. E e e ca-*



Sæcul. XII. cabant. Electi sunt igitur Episcopi sex,  
 A.C. 1173. ad Regis & Præcerum arbitrium, vide-  
 licet Richardus, Archidiaconus Picta-  
 v. Gauduin. viensis, in Episcopum Wintoniensem,  
 Geofridus *Ridel*, Archidiaconus Cantua-  
 riensis, in Episcopum Elifensem, *Foliot*,  
 Archidiaconus Oxoniensis, in Episco-  
 pum Herfordiensem, Renaldus, Archi-  
 diaconus Saresberiensis, Joscelini ejus-  
 dem Ecclesiæ Episcopi filius, in Episco-  
 pum Bathoniensem, Geofridus Regis fi-  
 lius ex concubina natus, in Episcopum  
 Lincolnensem, qui annos septem redi-  
 tibus hujus Ecclesiæ, cujus Archidiaconus  
 erat, potitus est, nunquam Episco-  
 pus ordinatus. Ecclesiæ Cicestriensis  
 Joannem *de Grenford*, ejusdem Ecclesiæ  
 Decanum, suffecerunt.

Omnibus peractis de Archiepiscopo  
 Cantuariensi eligendo quæstio mota.  
 Odo Prior petiit, ut aliquis ex Ecclesiæ  
 Cantuariensis gremio ad istud Dignita-  
 tis Ecclesiasticæ fastigium eveheretur;  
 & postquam diu deliberatum, Regem,  
 qui tunc in Normannia versabatur, con-  
 sulere statuerunt. Tum in alio Conci-  
 lio Londinensi Westmonasterii celebra-  
 to Richardus Dubriensis Prior Canoni-  
 ce electus est. Is in Normannia natus,  
 artibus liberalibus institutus, ac in Mo-  
 nasterium Ecclesiæ Cantuariensis rece-  
 ptus, Capellani officio, sicut Sanctus Tho-  
 mas



mas, postea Archiepiscopus, sub Theo-  
baldo Præsule functus est. Cumque  
morum suavitate omnis conditionis ho-  
mines sibi devinciret, ad Prioratum  
S. Martini, Ecclesiæ Cantuariensi subdi-  
tum, in civitate Dubrisiensi, promotus  
est. Archiepiscopus electus est in Do-  
minica Octavæ Pentecostes, die tertia  
Junii, atque Sabbato sequente solemniter  
pompa Cantuariæ receptus. Jamque  
ad eum postera luce consecrandum om-  
nia parabantur, cum affertur Epistola  
Regis juvenis, ad Capitulum Cantua-  
riense directa, in qua dicebat: *Ad me  
delatum est, velle patrem meum in vestra  
ceterisque Provinciæ vestræ Ecclesiis vi-  
ros minime idoneos ad Episcopatum eve-  
bere. Quia vero sine meo consensu, post-  
quam in Regem unctus sum, Episcopi eli-  
gi non debent, appellavi ad S. Sedem, ac  
appellationem meam Cardinalibus Lega-  
tis Alberto & Theodiuino indicavi, qui,  
cum sint viri prudentes, acquieverunt.  
Præterea appellationem interjectam Epi-  
scopis Londinensi, Exoniensi & Vigor-  
niensi significavi, idemque vobis significo.*  
Ita Ordinatio Richardi dilata est, qui Le-  
gatos ad Papam misit, & paulo post ipse  
ad eum iter suscepit.

Sæcul. XII.  
A.C. 1173.

Gervas. Act.  
pontif.

p. 1613.

Monast. Ing.  
to. 2. init.